



# Debconf11 Bosna i Hercegovina (Banja Luka) Bid

Pozdrav svima,

Htjeli bi da vam skrenemo pažnju na nešto što se trenutno dešava u svijetu GNU/Linux-a, konkretnije GNU/Debian Linux-a.

U posljednjih godinu dana, pokrenuta je inicijativa da se Debconf11 (<http://www.debconf.org/>) dovede na Balkan, konkretnije u Banja Luku (BiH), i do sada sam (Adnan Hodzic, <http://foolcontrol.org/>) uspio dosta toga da napravim za realizaciju gore navedenog.

Bid za Debconf11 se dogodio prošle godine u Cáceres (Extremadura, Španija) tokom Debconf9, kada sam prezentirao BiH kao moguću lokaciju za održavanje Debconf11 (2011. godine).

Do sada smo imali dosta uspjeha u kandidaturi, i uspjeli obezbijediti sva sredstva i ostalo što je potrebno da se Debconf11 dogodi u Banja Luci 2011. godine.

Na wiki stranici se nalaze svi detalji dosadašnje organizacije: (<http://wiki.debconf.org/wiki/DebConf11/BanjaLuka>).

Sada, jedino što nam je još potrebno da se sve ovo upotpuni, jeste i jaka podrška svih vas koji se bavite GNU/Linux-om ili IT-om uopšte.

Naime treba nam jak tim ljudi (čitaj: ljudi koji su spremni da se aktivno angažuju u organizaciji DebConf11 u Banja Luci, BiH), koji imaju dobre reference u svijetu IT-a (ovo nije obavezan uslov, ali je jako poželjan), zbog toga što je jak Lokalni tim jedna od važnijih tačaka prilikom konačnog odlučivanja lokacije (<http://wiki.debconf.org/wiki/PriorityList>), i biti će manje više presudan za odluku koja će se desiti 27. februara.

Razlog zbog kojega ovako "kasno" sve javljamo i tražimo pomoć jeste taj, što nismo htjeli da "odajemo" ništa dok nismo bili sigurni da imamo sve ostalo što nam je potrebno za ostvarenje ovog NAŠEG (čitaj: Balkanskog) zajedničkog cilja.

Debconf11 je DebConf svih balkanaca, a ne samo nas iz BiH, i željeli bi da se uključi što više zainteresovanih GNU/Linux i drugih profesionalaca iz IT svijeta, kako bi uspješno dobili Bid, i organizovali ovaj jako veliki i prijeko potreban događaj na Balkanu.

Svi zainteresovani neka se jave na mail: [adnan@foolcontrol.org](mailto:adnan@foolcontrol.org) ili [velimir@foolcontrol.org](mailto:velimir@foolcontrol.org).

U mailu bi trebali navesti osnovne podatke o sebi.

Mail bi trebao da izgleda ovako, npr.:

Ime Prezime

- Navesti svoju aktivnu ulogu u nekom projektu iz svijeta GNU/Debian Linuxa
- Pozicija koju okupirate u trenutnom radnom odnosu
- Iskustvo rada (stečeno znanje) u svim oblastim IT-a
- Učešće na nekoj konferenciji/seminaru etc iz svijeta IT-a
- Rad na nekom projektu i vaša uloga u timu koji je radio sa vama

Radujemo se velikom odazivu svih GNU/Linux korisnika i ostalih IT profesionalaca sa Balkana.

Debconf11 u Banja Luci FTW!!!

Pozdrav,

Debconf11 Bosnia Local Team